



Kristian Jeremiassen
Inatsisartunut ilaasortaq, Inuit Ataqatigiit

§ 37 naapertorlugu apeqqummut nr. 050/2022-mut akissut – Aasianni kulturikkut illorsualiortoqarsinnaaneranut aningaasaliinissamut tunngasoq

04-03-2022
Suliap nr.
All. nr. 19386733

Asasara Kristian Jeremiassen,

Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfigissavakka.

Apeqqut 1: Naalakkersuisut pilersaarpat Aasianni kulturhus-iliornissamut aningaasaliinissamik?

Akissut: Ilinniartitaanermut, Kultureqarnermut, Timersornermut Ilageeqarnermullu Naalakkersuisup Kommune Qeqertalimmi borgmesteri maj 2021-mi ataatsimeeqatigaa. Aasianni kulturikkut illorsuassamut kommunip pilersaarutai, borgmesterip ilaatigut saqqummiuppai. Borgmesterip pilersaarut titartagartalik saqqummiuppaa kiisalu kulturikkut illorsuup qanoq atorneqarsinnaanera aamma saqqummiullugu. Kommunit kultureqarnikkut sunngiffimmilu ingerlatsinissamik anguniakkanik sinaakkutissanillu aalajangersaasassasut Naalakkersuisut soqutigisaraat, kommunit innuttai kulturikkut sammisassaqtitsinernit neqeroorutit atorlugit ineriartorsinnaanissaat, ingerlatsinissaat atuinissaallu siunertaralugu, soorluttaa Inatsisartut tamatumingna aalajangersaasimasut.

Kulturikkut ingerlatsineq sunngiffimmilu sammisassaqtitsineq pillugit Inatsisartut inatsisaat nr. 5, 6. juni 2016-imeersumi § 7, imm. 1 naapertorlugu Naalakkersuisut kommunalbestyrelsillu illussanik, ininik allatullu tigussaasunik atugassaqtitsinissamut kulturikkut sunngiffimmilu ingerlatsinissanut atugassanut tapiissuteqarsinnaapput. Naalakkersuisunit tapiissuteqartoqassappat Aningaasanut inatsimmi tamatumunnga siunertamut illikartitsisoqarsimanissaa piumasqaataavoq. Naalakkersuisut aningaasaliisoqarnissaanik siunnersuuteqassagaluarunik Kommune Qeqertalimmit ersarissumik qinnuteqartoqarsimasariaqarpoq, matumanilu sanaartornissamut aningaasaliinissaq ilanngullugu eqqarsaatigalugu isummersimassalluni.

Apeqqut 2: Aningaasaliisoqarniarpat qaqugu aningaasaliisoqassava?

Akissut: Apeqqummut 1-imut akissut takuuk.

Apeqquut 3: Aasianni kulturhus-iliornissamut 50/50-mik aningaasaliisoqarniarpa?

Akissut: Aasianni kulturikkut illorsuassamut Aningaasanut inatsimmi maanna illikartitsisoqarsimangilaq.

Aningaasaleeqataasoqarnissaa pillugu isummertoqassappat tamanna Kommune Qeqertalimmit tigussaasumik qinnutigisimanissaa piomasagaataassaaq, matumanilu aningaasalersuinissamut tunngasut aamma eqqarsaatigalugit.

Inussianersumik inuulluaqqusillunga


Peter Olsen